

BASES DO I CONCURSO DE DEBUXO DA FSC-GALICIA

A Federación de Servizos á Cidadanía de Galicia convoca o I CONCURSO DE DEBUXO dirixido aos fillos e fillas da súa afiliación.

Os debuxos premiados serán o soporte gráfico do calendario do ano 2022.

1. TEMÁTICA

O medio ambiente.

2. BASES DO CONCURSO

Serán válidos os traballos que cumpran os seguintes requisitos:

1. Poderán participar neste concurso todos os fillos e fillas menores de 13 anos de afiliados/as á Federación de Servizos á Cidadanía de Galicia.
2. Cumprir coa temática escollida.
3. Os debuxos deberán ser manuais; non se admitirán debuxos dixitais. Os/As participantes teñen liberdade para utilizar a técnica que desexen (de forma separada ou mesturada: lapis, ceras, témperas, acuarela, etc.).
4. Admitirase un único debuxo por participante, que deberá presentarse en papel de tamaño folio A4 en sentido **horizontal** para que cadre co formato do calendario.
5. No reverso do debuxo, indicarse o nome e apelidos e a idade do autor ou autora, e mais o número de teléfono de contacto do pai, nai ou titor/a.
6. Todos os debuxos deberán ir acompañados dun documento asinado polos pais ou titores legais, no que autoriza o/a menor a participar no concurso (especificando “I Concurso de Debuxo FSC-Galicia”) e acepta as bases. Esta autorización deberá ir nun sobre pechado (dentro do sobre meirande co debuxo) e sen identificación ningunha no exterior. O modelo de autorización xúntase como anexo a estas bases.
7. Admitiranse ó concurso tódolos debuxos que nos fagades chegar por correo á dirección postal seguinte antes do día 25 de outubro (incluído), data na que comezaremos ca selección dos debuxos gañadores, así mesmo debes indicar á categoría a que optades.

Federación de Servizos á Cidadanía-Galicia
Secretaría de Comunicación
I CONCURSO DEBUXO FSC-GALICIA 2021
Categoría ---
Rúa Teixugueiras, nº 11
C. P. 36212 Vigo (Pontevedra)

3. PREMIOS

Establécense tres categorías:

A autora ou autor do mellor debuxo en cada unha das categorías será premiado cun cheque regalo que se poderá trocar por material escolar/deportivo por valor do premio conseguido.

CATEGORÍAS	1º	2º	3º	
A (2º ciclo Educación Infantil)	100 €	75 €	50 €	50 €
B (1º, 2º e 3º Educación Primaria)	100 €	75 €	50 €	50 €
C (4º, 5º e 6º Educación Primaria)	100 €	75 €	50 €	50 €

4. CESIÓN DE DEREITOS

As obras entregadas non serán restituídas. Ao participar no concurso, o/a candidato/a afirma que a súa obra é un traballo orixinal e individual, que é o único propietario do traballo e que ningún terceiro é propietario, nin ten copyright ou marca rexistrada da obra presentada, nin ten dereito ningún de propiedade industrial ou intelectual sobre a obra presentada. O/A participante asume a responsabilidade por calquera demanda ou reclamación formulada por parte de terceiros sobre vulneración de dereito ningún de propiedade industrial ou intelectual relacionada coa obra presentada.

A participación no concurso implica a **cesión á FSC Galicia** dos dereitos de reprodución, distribución, comunicación pública sobre as obras presentadas, de acordo coa lexislación sobre propiedade intelectual.

Os datos do/da menor, consistentes en nome, apelidos e idade, incorporaranse á obra en caso de delegación pública desta.

5. RESOLUCIÓN FINAL

O xurado estará composto pola Executiva da FSC Galicia, que resolverá calquera incidencia que puidese producirse. A participación dalgún familiar directo de calquera membro da executiva excluírá ese membro da composición do xurado para a resolución do concurso.

A resolución final cos premiados comunicaráselle a estes e publicarase na páxina web da FSC Galicia o día **2 de novembro de 2021**.

As bases do concurso pódense consultar en www.galicia.fsc.ccoo.es

6. POLÍTICA DE PRIVACIDADE (PARA PAIS/NAIS OU TITORES)

Segundo a Lei orgánica 3/2018, de 5 de decembro de Protección de datos persoais e garantía de dereitos dixitais infórmase co responsable do tratamento dos seus datos persoais é o Sindicato Nacional de Comisións Obreiras de Galicia sito na rúa Miguel Ferro Caaveiro, nº 8, 15707, Santiago de Compostela e contacto del DOD dpd@ccoo.es.

Os datos terán como únicos destinatarios dos mesmos os membros da Federación de Servizos a Cidadanía de Galicia encargados da xestión do concurso e o xurado para a selección dos finalistas e serán empregados exclusivamente no previsto nas bases do concurso, comunicacións de premios e mencións, entrega de premios... Unha vez finalicen estas comunicacións todos os datos persoais serán eliminados.

Pódense exercer os dereitos de acceso, rectificación, cancelación e oposición, ante a Federación de Servizos á Cidadanía de Galicia, na rúa Teixugueiras, nº 11, C. P. 36212 Vigo, Pontevedra.

Conforme ó establecido no Regulamento de desenvolvemento da Lei orgánica 15/99, aprobado por Real decreto 1720/2007, do 21 de decembro, e xa que os participantes do concurso son menores de idade, a autorización para participar no concurso debe ser outorgada polos seus pais/nais ou titores. Neste caso, o tratamento dos datos debe ser expresamente autorizado por estes e, por este motivo, solicítanse determinados datos da persoa que actúa en nome do menor. Se fose necesario, tales datos serán obxecto de comprobación.

ANEXO 1

AUTORIZACIÓN PARA A FEDERACIÓN DE SERVIZOS Á CIDADANÍA DE GALICIA

D./D^a.....en condición de pai/nai/titor(a), con DNI....., autorizo a..... a participar no I CONCURSO DE DEBUXO DA FSC GALICIA convocado pola Federación de Servizos á Cidadanía de CC00 de Galicia.

Así mesmo, autorizo a cesión dos dereitos de reprodución, distribución, comunicación pública da obra presentada ao I Concurso de Debuxo da FSC-Galicia para fillos/as de afiliados/as da Federación de Servizos á Cidadanía, así como a identificación da obra cos seguintes datos do/da menor de idade: nome, apelidos e idade.

Co asinamento desta autorización, acepto expresamente na súa totalidade as bases do concurso, a política de protección de datos e a cesión da obra.

Idade neno/a:

Núm. de teléfono móbil:

En....., dede 2021

Sinatura: